

8/16

J. Masethe 8/16 K34/16 8/16

Ser. 96.11

Leštô La Daimane.

CO-10

1. Babereki xe ba e ya Daimane, masoxana le banna, ba be ba re xe ba rêra xo ya makxoweng Daimane, ba be ba thôma ba a rapana, xe ba bôna xore bo mokete le bo mokete re kwane re tla ba kaa, ba tla botsana ba beana matsatsi a xo tloxa, xo tšwa. Byale xe ba kwane e mongwê le e mongwê o šila mefaxyo (dipoba), dipoba tša bôna ba be ba xadika leotša ba teba dikoko (tša morula) Leotša ba le xadika ba le šila.

Byale dikoko ba di teba ba di setla byale ba di thlakantša ba di setla xapê ka lehudung, byale la bopya lekate. Leotša le dikoko tše xe di thlakane di bitšwa lekome (mphaxyo wa tsela). Xapê-xapê xe marumô a yo hula kxolê ba šila mefaxyo ya makome. E mongwê le e mongwê o be a seta seeta sa ramphašane sa phatla ya nare. E mongwe le e mongwê a seta tše pedi xobane ba re ramphašane o tee o fêlêla tseleng.

E mongwê le e mongwê o tšea mokxabo

2. Mokxabo ke kxapana e naxo le moxolwana e kxobêllwa ka lebyana ya thubêlwa ka patla xe motho a swere leštô a rwele metsi ka yôna a a thile ka maraxyo ka patla. Ba be e mongwê le e mongwê a tšea patla tše pedi tša mapara. Ba re xe ba šetše ba le mabaleng xare-xare xa naxa ba thsetše Lekwê (noka), ba re xe ba rôbala ba be ba hlôma dipara fase di šupa moo ba yang xôna. Ka baka la xore xo be xo se na dihlare pele le moraxyo xo be xo no swana. Ba re ba bantši ba be ba re xo tsoxa ba boêla moraxyo ka xore pele le moraxyo xo be xo swana. Leštô la Daimane le be le sepelwa marexa fêêla, batho ba be ba thsaba dinoka xo tlala byale ba be ba thswenya ke phefô ya kapoko, e be e no ba thibêlla matsatsi a mararo felô xo tee ba robotše.

- Ba be ba xarola byanye ba ala byo bongwê ba bo ala ka xodimo xa mekxata ya bôna. Xe motho a rota o no re xo mongwê šutêla mouwe ke a rota xobane xo be xo se na xo nthsa nkô. Xe
3. ba šetše ba e xare xa lebala ba be ba re xe ba se ne dikxonye

tša / ...

tša xo xotša mollô ba be ba nthsa e mongwê le e mongwê lepara
ba xotša ka ôna mollô. Ba be ba sa apee tseleng xobane ba be ba
se na dipitša xe e se lokome fêêla.

Xe ba fêlêlwa ke dijô mo tseleng ba be ba thuša ke
maplase a Maburu. Ba be ba šoma matsatšinyana ba lefiwa ka dijô,
ba fiwa kxamelô ya mafela ba apee ba dia mefaro. Xe ba fihla
Daimane ba tla bôna mošomo ba šoma. Byale xe ba lowa ba tla re
pele ba tloxa Daimane, ba letana xore e be sehlopha ka baka la xo
thsaba dikebeka tseleng. Dikebeka di be di ba amoxa merwalo.

4. Xe ba tsêna maxaeng a bôna motho o tla kwa dithunya
xobane ba be ba tsêna bošexo, ba be ba bitšwa makarapa. Lekarapa
(makarapa) a le tsene mosexare. Makarapa a kapa lekarapa
merwalo ya bôna e be e phuthullwa ka molaô. Morwalo wa lekarapa
la lesoxana o be o phuthulla ke kxadi (kxadi ke kxaetšadi ya xaxe
ya pele). Xe e le monna ya bikileng morwalo wa xaxe o phuthulla
ke mosadi wa xaxe byalo-byalo.

Makarapa a tšwang Daimane lethswaô ba be ba apa motato
o bitšwang makxati letšoxong o mohuibidu bya letsoku. Matšwa
Daimane a be a nee botumô byo boxolo xare xa ba xabô.

END S.96